



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ad annum Christi 1563

**Fleury, Claude**

**August. Vind. [u.a.], 1771**

**VD18 90118618**

§. 3. Cardinalis Moronus in quadam Congregatione receptus.

---

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

rique sat contenti eundem ad accelerandum iter hortabantur, Sæcul. XVI.  
A.C. 1563.

§. III.

*Cardinalis Moronus in quadam Congregatione receptus.*

Feria tertia post Paschatis Dominicam die decima tertia Mensis Aprilis pro recipiendo Cardinale Morono generalis habebatur Congregatio, in qua recitato diplomate, vi cuius nominabatur Synodi Legatus, idem orationem habuit, pluribusque mala, quibus tot Christianorum Provinciæ agitantur, deplorabat, ad quorum levamen a summo Pontifice, cuius dignitatem plurimum extulit, præsentem Synodum fuisse convocatam assererat, & postea de semetipso loquens, Patribus una congregatis testatum reddere nitebatur, quod quamvis duobus illis Legatis nuper defunctis in tam arduo munere succedere non mereretur, eos tamen in sincera Synodi utilitatem promovendi voluntate æquare contenderet, postea rogabat Patres, ut sua solertia, pacis studio, ac Zelo non minus scientia illustrato, quam charitate accenso ipsum juvare vellent.

Hac oratione magnum sibi conciliabat honorem, simulque tam amplæ pollicitationis executio avidè expectabatur.

*Pallav. n. 6.  
Sarp. l. 7.  
pag. 672.  
Psal. p. 380.  
Spond. ad  
hunc ann.  
num. 23.  
Visconti t. 13  
pag. 213.  
Rayn. hoc  
ann. n. 52.*

Sæcul. XVI.  
A.C. 1563.

batur. Sequenti die decima sexta Aprilis Lunensis Comes Moronum, quem visum ibat, vehementer sollicitabat, ut hanc clausulam: *Legatis proponentibus* veluti Concilii libertati adversam suppressimere vellet, quam in rem disertis verbis eidem declarabat, quod hæc verba deleri Cæsar, necnon Lusitanæ & Franciæ Reges peterent, omnesque sperarent, quod ipse ceteris prior hanc suppressionem persuadere niteretur.

Verum Cardinalis hæc reposuit:  
 „cum hæc clausula in Sessione fuerit  
 „decreta, si nunc supprimeretur, non  
 „modo decisiones hucusque factæ indu-  
 „bium revocari possent, quod tamen  
 „Rex nullatenus admittit, sed etiam  
 „eædem juxta illorum, qui no-  
 „vitatum studiosi sunt, arbitrium om-  
 „nino everti valerent: aliunde vero nil  
 „nisi perturbationes, ac tumultus in Sy-  
 „nodo suscitarentur, si ad quævis ab-  
 „sona, quæ Patribus proponere lubet,  
 „recipienda Synodum cogere, cuius  
 „permitteretur. Denique haud per-  
 „cipere valeo, qua ratione hæc Regis  
 „petitio conciliari possit cum ampla pol-  
 „licitatione, qua se Sacram Sedem pro-  
 „pugnaturum promittebat, cum tamen  
 „ejus auctoritati hoc pacto grave vul-  
 „nus infligere machinaretur. Ad hæc  
 Orator respondit: mei muneris est  
 Regis

Sæcul. XVI.  
A.C. 1563.

Regis, ac Principis mei iussa exequi, nec ea prætergredi mihi integrum relinquitur: mox tamen subjunxit Cardinalis, quod ejusmodi mandata interpretari licitum sit, præcipue cum haud præsumi valeat, quod Rex rem Concilii honori tantopere noxiam petere velit. Tandem utrinque conventum, de hac clausula interim minime agendum, donec Cardinalis cum Cæsare hac super re contulisset: Comes tamen altera die coram Lusitano Oratore assererat, quod omnium Oratorum cura eo intenta esse deberet, ut hæc clausula deleteretur. Ceterum cum Moronus Cardinalis pridie Oenipontum discessisset, pluresque alii Præsules abessent, propositum est, Sessionem, quæ ad diem vigesimam secundam Aprilis erat indicta, esse prorogandam, ac primum eam die trigesima Mensis Junii habendam: verum huic dilationi Lotharingus Cardinalis paulo ante redux oblectabatur, ostendens, haud consultum fore, ut certa dies præfigatur, ne forte argumentis nondum plene discussis Sessio nequidem die tertia Junii celebrari queat, unde fieri posset, ut tunc, si post præstitutum diem rursus Sessionem prorogare oporteret, magis adhuc exasperarentur eorum animi, qui ob toties repetitas dilaciones aliunde jam contra Synodum

Sæcul. XVI. A.C. 1563. dum quererentur. Sequebantur Patres Lotharingii consilium, simulque decretum, ut die vigesima Maji primum discuteretur, quænam dies futuræ Sessioni esset præfigenda.

## §. IV.

*Petri Soto Dominicani obitus.*

*Pallav. l. 20. c. 13. n. 1.* Pridie, quam cuncta hæc in Patrum conventu decernebantur, die vigesima Aprilis Petrus Soto, seu Sotus ex Ordine Fratrum Prædicatorum Theologus percelebris Tridenti supremum diem clausit, cujus jacturam omnes Patres ob raram pietatem, atque eruditionem communi luctu deplorabant. Natus is erat Cordubæ in Hispania ex nobilibus Parentibus: anno autem Christi millesimo quingentesimo decimo nono juvenis adhuc institutum S. Dominici amplexus tantam nominis sui famam sibi comparabat, ut ad moderandam Caroli V. Cæsaris conscientiam seligeretur, quem etiam comitabatur in Germaniam, ubi ab eodem hæresis ibidem impune grassantis progressus edoctus, ut amplius hæreses impugnandi spatium nancisceretur, Aulam relinquendi veniam petiit, obtinuitque. Eodem tempore ad preces Cardinalis Ottonis Truchsesii Episcopi Augustani Dilinganæ in Suevia Universitatis